

Si Ginoong Jesu-Cristo magabalik sa kalibutan sa dili madugay. Gihimo Niya kini nga saad sa panahon nga ania pa Siya sa kalibutan 2000 ka tuig na ang milabay (Juan14:1-3). Unasaon nato masayran nga sigurado gayud Siyang mobalik? Palihog basaha ang mga panagna nga si Ginoong Jesus mismo ang nagaingon nga mosunod nga mahitabo sa kataposang mga panahon. Usa ka mabinaan tayon o makuti nga pagbasa niini nga mga balaang sinulat ug ikompara sila sa mga panghitabo nga nagakahitabo sa kalibutan karon kini nagapamatuod nga si Ginoong Jesus tinuod gayud nga mobalik na sa atong tibuuk kinabuhi.

1 PAGKAGUBA SA TEMPLO

Ug si Jesus mipahawa sa templo, ug samtang naglakaw siya miduol kaniya ang iyang mga tinun-an ug ilang gitudlo kaniya ang mga bahin sa templo. Apan kanila mitubag Siya nga nag-ingon, "Nakita ninyo kining tanan, dili ba? Sa pagkatinuod, magaingon ako kaninyo, nga dinhi wala unyay mahibiling usa ka bato nga pinatong sa bato nga dili pagatumpagon." (Mateo 24:1-2; Marcos 13:1-2; Lukas 21:5-6). **Kini literal nga nahitabo sa A.D.70**

2 MGA TIMAILHAN SA PAGBALIK

Ug sa naglingkod Siya sa Bungtod sa mga Olivo, giduol Siya sa mga tinun-an nga sila si Pedro, Santiago, Juan ug Andrew, nga nanag-ingon, "Tug-ani kami, kanus-a man kini mahitabo, ug unsa man ang ilhanan sa imong pag-anhi ug sa pagkatapus sa kapanahonan?" (Mateo 24:3; Marcos 13:3-4; Lukas 21:7).

3 MGA MALIMBUNGON MOTUNGHA

Ug kanila mitubag si Jesus nga nag-ingon, "Magbantay kamo nga walay magapahisalaag kaninyo. Kay daghan unya ang motungha dinala ang akong ngalan, nga manag-ingon, `Ako mao ang Cristo,` ug daghan ang ilang pahisa-laagon. Busa ayaw pagsunod kanila (Mateo 24:4-5; Marcos 13:5-6; Lukas 21:8).

4 MGA GUBAT UG MGA HUNGIHONG SA MGA GUBAT

Ug makadungog kamog mga gubat ug mga dungogdungog mahitungod sa mga gubat; pagbantay kamo nga dili kamo makuyawan; kay kinahanglan gayud kini nga mahitabo, apan dili pa kini mao ang katapusan (Mateo 24:6; Marcos 13:7; Lukas 21:9).

5 MGA GUBAT SA KALIWATAN | MGA LINOG | MGA GUTOM | MGA BALATIAN

Unya miingon Siya kanila, "Managgubat ang nasud batok sa nasud, ug ang gingharian batok sa gingharian; mahitabo ang makusog nga mga linog, ug sa nagkalainlaing mga dapit adto ang mga gutom ug mga kamatay; ug unya may mga makalilisang nga talan-awon ug dagkung mga ilhanan gikan sa langit. (Mateo 24:7; Marcos 13:8; Lukas 21:10-11).

6 Kining tanan mao lamay sinugdanan sa mga kasakit (Mateo 24:8; Marcos 13:8).

7 PAGLUTOS SA MGA CRISTOHANON

Apan sa dili pa mahitabo kining tanang mga butanga, kamo ilang pagadakpon ug pagalutuson, igatugyan ngadto sa mga sinagoga ug sa mga bilanggoan, ug kamo pagataralon ngadto sa atubangan sa mga hari ug sa mga punoan tungod sa akong ngalan. Ug kini magahatag unya kaninyog higayon sa pagpanghimatuod (Mateo 24:9; Marcos 13:9; Lukas 21:12-13).

8 Ug sa diha nga ila na kamong pagataralon ngadto sa mga hukmanan ug itugyan kamo, ayaw ninyo kagul-ing daan kon unsa ang inyong igasulti; apan kinahanglan isulti ninyo ang bisan unsa nga igahatag kaninyo niadtong taknaa, kay dili kamo mao ang magasulti kondili ang Espiritu Santo. Busa ipatuyo ninyo sa inyong mga kasingkasing ang dili pagpamalandong nga daan kon unsaon ninyo sa pagpanubag; kay ako magahatag ra unya kaninyog baba ug kaalam nga batok niini walay kaaway ninyo nga arang makasukol o makasupak (Marcos 13:11; Lukas 21:14-15).

9 PAGBUDHI SA MGA PAMILYA

Ug igapanugyan kamo bisan gani sa inyo rang kaugalingong mga ginikanan ug mga igsoon, ug mga kaparyentihan ug mga kahigalaan; ug ang uban kaninyo ilang ipapatay. Ug kamo pagadumtan sa tanang tawo tungod sa akong ngalan, apan walay bisan usa ka buhok sa inyong ulo nga mawagtang. Pinaagi sa inyong pagkamainantuson, mapatunhay ninyo ang inyong mga kinabuhi (Mateo 24:9-10; Marcos 13:12-13; Lukas 21:16-19).

10 MOBUGNAW ANG GUGMA

Ug kay mosanay man ang kadautan, mobugnaw ang gugma sa kadaghanan. Apan ang molahutay hangtud sa katapusan mamaluwas (Mateo 24:12-13).

11 Ug kining **MAAYONG BALITA MAHITUNGOD SA GINGHARIAN** igawali ngadto sa tibuok nga kalibutan ingon nga pagpamatuod ngadto sa tanang kanasuran; ug unya moabut na ang katapusan (Mateo 24:14; Marcos 13:10).

12 MALAGLAGON NGA PASIPALA SA JERUSALEM

"Apan sa diha nga makita na ninyo ang Jerusalem nga pagalikusan sa mga kasundalohan, nan, inyong masabut nga nagakahiduol na ang pagkalaglag niini (Lukas 21:20). "Tungod niini, inigkakita ninyo sa gihisgutang sa profeta nga si Daniel, sa iyang gihisgutang malaglagon nga pasipala nga magatindog sulod sa dapit nga balaan (pasabta niini ang magabasa), nan, sila nga anha sa Judea pakalagiwa ngadto sa kabukiran; ug siya nga anha sa atop, ayaw na pakanauga aron sa pagkuha pag bisan unya sulod sa iyang balay; ug siya nga anha sa uma, ayaw na pabalika aron sa pagkuha pa sa iyang kupo (Mateo 24:15-18; Marcos 13:14-16; Lukas 17:31; 21:21). Ug alaut gayud ang mga mabdos ug ang may mga masoso niadtong mga adlaw! Pag-ampo kamo nga unta ang inyong pagpangagiw dili mahiatol sa tingtugnaw o sa adlaw nga igpapahulay. (Mateo 24:19-20; Marcos 13:17-18; Lukas 21:23). Sila mangamatay sa sulab sa espada, ug pagabihagon sila ngadto sa tanang kanasuran; ug ang Jerusalem pagayatakan sa mga Gentil, hangtud matuman na ang mga panahon sa mga Gentil (Lukas 21:24).

13 PANAHON SA KASAMOK NI JACOB

(Jer 30:6-7)
Kay unya moabut ang dakung kasakitan nga ang ingon wala pa mahitabo sukad sa sinugdan sa kalibutan hangtud karon, ug dili na gayud mahitabo pa. Ug kon ang gidaghanon niadtong mga adlaw wala pa pagkubsi, wala untay tawong maluwas; apan tungod sa iyang mga pinili, ang gidaghanon niadtong mga adlaw pagakubsan. (Mateo 24:21-22; Marcos 13:19-20; Lukas 21:23). Kay kini mao ang mga

adlaw sa panimalus aron matuman ang tanang nahisulat (Lukas 21:22).

14 MGA MINI NGA CRISTO UG PROFETA

Ug unya kon adunay moingon kaninyo, `Tan-awa, ania ra ang Cristol'o` Tan-awa, atua ra siya! ayaw gayud kamo pagtoo niini. Kay motungha ang mga mini nga Cristo ug mga mini nga profeta ug magpakita silag mga ilhanan ug mga katingalahan aron sa pagpahisalaag sa mga pinili, kon mahimo man. Apan kinahanglan magbantay kamo; gitug-anan ko na kamong daan sa tanang mga butang (Mateo 24:23-24; Marcos 13:21-23). Busa, kon sila magaingon kaninyo, `Tan-awa, atua siya sa awaaw, ayaw gayud kamo pag-adto didto. Ug kon sila magaingon, `Tan-awa, anaa siya sa sulod nga mga lawak.` ayaw gayud kamo pagtoo niini. Kay maingon nga ang kilat magakilab gikan sa sidlakan ug makita hangtud sa kasadpan, maingon man usab unya niini ang pag-abut sa Anak sa Tawo (Mateo 24:26-27; Lukas 17:23-24).

15 MGA TIMAILHAN DIHA SA MGA KALANGITAN

Ug dihadhiha inigkatapus sa kasakitan niadtong mga adlaw, ang Adlaw mongitngit, ug ang Bulan dili na mohatag ug kahayag, ug ang mga bitoon mangatagak gikan sa kahitas-an, ug matay-og ang mga gahum sa kalangitan (Mateo 24:29; Marcos 13:24-25; Lukas 21:25). "Ug diha sa yuta adunay kagul-anan sa kanasuran, nga managkalibug tungod sa dinaguok sa dagat ug sa mga balud; ang mga tawo panguyapan sa kalisang ug sa pagpaabut sa mahitabo sa kalibutan; kay mangatay-og man unya ang mga gahum sa kalangitan (Lukas 21:25-26).

16 Ug unya magapakita diha sa langit ang **ILHANAN SA ANAK SA TAWO**, ug unya ang tanang kabanayan sa yuta manag-minatay, ug ilang makita ang Anak sa Tawo nga moabut nga sinapwang sa mga panganud sa langit inubanan sa kagahum ug



dakung himaya; ug paga sugoon Niya ang Iyang mga manolunda pinaagi sa makusog nga tingog sa trumpeta, ug ilang pagahi puso ang Iyang mga pinili gikan sa mga sugdanan sa upat ka mga hangin, gikan sa usa ka tumoy sa langit ngadto sa USA (Mateo 24:30-31; Marcos 13:26-27; Lukas 21:27).

17 Inigsugod nag kahitabo niining mga butanga, iyahat ninyo ang inyong mga mata ug ihangad ninyo ang inyong mga ulo, kay ang inyong kaluwasan nagakahiduol na" (Lukas 21:28).

18 Ug Siya misulti: "Gikan sa kahoyng igira tun-i ninyo kining usa ka pananglitan: inigpanglumoy na gani sa iyang mga sanga ug manalingsing na, nan, inyong masayran nga nagakaduol na ang tingadlaw. Ingon man usab niini, **inigkakita ninyo niining tanang mga butanga, masayran ninyo nga haduol na siya**, anaa na gayud sa mga pultahan (Mateo 24:32-33; Marcos 13:28-29; Lukas 21:29-31). "Apan mahitungod sa maong adlaw ug takna, walay usa nga nasayud, bisan pa ang mga manolunda sa langit, bisan pa ang Anak, gawas sa Amahan lamang (Mateo 24:36; Marcos 13:32).

19 Maingon kaniadto sa **MGA ADLAW NI NOE**, mao man usab unya ang pag-abut sa Anak sa Tawo. kay maingon nga niadtong mga adlaw sa wala pa ang lunop sila nanagpangaon ug nanag-inum, nanagpangasawa ug nanagpamana hangtud sa adlaw sa pagsulod ni Noe sa arka, ug sila walay kasayuran niini hangtud sa pag-abut sa lunop ug gianud silang tanan, maingon man usab niini ang pag-abut unya sa Anak sa Tawo (Mateo 24:37-39; Lukas 17:26-27).

20 Maingon usab sa nahitabo kaniadto sa **MGA ADLAW NI LOT**: nga sila nanagpangaon, nanag-inom, nanagpamalit, nanagpa maligya, nanagpananum, nanagtukod ug mga balay, apan sa adlaw sa pagpahawa ni Lot sa Sodoma, gikan sa langit miulan ang kalayo ug asupri ug niini gilaglag silang tanan, maingon man usab unya niini sa adlaw nga igapadayag na ang Anak sa Tawo (Lukas 17:28-30).

21 Hinumdumi ninyo ang asawa ni Lot. Bisan kinsa nga magatinguha sa pagpatunhay sa iyang kinabuhi, mawagtangan hinoon siya niini; apan bisan kinsa nga magawagtang sa iyang kinabuhi, magapatunhay hinoon niini (Lukas 17:32-33).

22 Sultihan ko kamo, nga niadto unyang gabhiona duha ka tawo anha sa usa ka higdaan; ang usa kanila kuhaon ug ang usa mabiyaan. Duha ka babaye manag-abay sa paggaling; usa kanila kuhaon ug ang usa mabiyaan. Duha ka lalaki anha sa uma; ang usa kuhaon ug ang usa mabiyaan" (Mateo 24:40-41; Lukas 17:34-36). Ug sila miingon kaniya, "Asa man, Ginoo?" Siya mitubag, "Diin gani ang patay, atua usab didto magakatapok ang mga agila" (Mateo 24:28; Lukas 17:37).

23 MAGMABINANTAYON UG MAGMAINAMPOON

Sama kini sa usa ka tawo nga mobiya sa iyang balay ug mopanaw tapus makahatag ug kagahum ngadto sa iyang mga ulipon, sa matag-usa diha sa iyang kaugalingong bulohaton, ug tapus makahatag sa magbalantay sa pultahan sa sugo sa pagtukaw. Busa pagtukaw kamo kay wala kamo masayud kanus-a moabut ang agalon sa panimalay, sa gabii ba, o sa tunga bang gabii, o sa tingtugaok ba sa manok, o sa kabuntagon ba kay tingali unyang mokalit lamang siya pag-abut ug makaplagan niya kamo nga mangkatulog (Marcos 13:34-36).

24 Apan hibalo ninyo nga kon ang pangulo sa panimalay nasayud pa unsang takna sa kagabhion moabut ang kawatan, magatukaw unta siya ug dili niya tugotan nga pagasak-on ang iyang balay. Busa kamo usab kinahanglan mangandam, kay ang Anak sa Tawo moabut sa takna nga wala ninyo dahuma. (Mateo 24:43-44).

25 Apan kinahanglan magbantay kamo sa inyong kaugalingon, basi sa inyong mga kasingkasing mahiluwan ang pagpatuyang ug ang pagkahubog ug ang mga kabalaka tungod niining kinabuhia, ug unya kadtong adlaw moabut kaninyo nga wala dahuma, ingon sa lit-ag; kay kini moabut man gayud unya sa tanang managpuyo ibabaw sa tibuok nga yuta (Marcos 13:33; Lukas 21:34-35).

26 Apan panagtukaw kamo sa tanang panahon, nga manag-ampo nga unta makabaton kamog kalig-on aron sa pag-ikyasa gikan niining tanang mga butanga nga magakahitabo, ug sa pagbarug sa atubangan sa Anak sa Tawo (Lukas 21:36).

27 Sa pagkatinuod, magaingon ako kaninyo, nga sa dili pa mahanaw kining kaliwatana, kining tanang mga butanga maga-kahitabo gayud. Ang langit ug ang yuta mangahanaw, apan ang akong mga pulong dili gayud mahanaw (Mateo 24:34-35; Marcos 13:30-31; Lukas 21:32-33).

Nagalingkod sa Iyang mahimayaong trono, ang Gamhanang Hari ang Ginoong Jesu-Cristo mao ang magabalik pag-usab sa dili madugay uban sa dakong gahum ug himaya inubanan sa Iyang balaan nga mga anghel ug mga balaan.


Kahadloki ninyo ang Dios ug Kaniya ihatag ninyo ang himaya, kay nahiaabut na ang takna sa Iyang paghukom; ug simbaha ninyo Siya nga maoy nagbuhat sa langit ug sa yuta, sa dagat ug sa mga tuburan sa tubig

(Pinadayag 14:7)

ANG PANAHON DILI NA GAYUD MADUGAY!

Ang Ginghamarian sa Langit magaabot haduol na karon. Paghinulsol ug toohi kining maayong balita.

Pangandam sa pagatubang sa Imong Ginoong Dios!



Ang Maayong Balita Sa Ginghamarian Sa Dios

Watch online through www.angeltv.org

WATCH ANGEL TV
Satellite :ASIASAT5@100.5°EAST
Band :C
Downlink Frequency :3.960GHz
SymbolRate :3000Msps
FEC :5/6
Modulation :DVB-S2/8PSK
Polarization :Horizontal

Local Contact Address